

304

春秋分記



詳校官監察御史_臣李陽樾

給事中_臣溫常綬覆勘

欽定四庫全書

春秋分記卷二十七

宋程公說撰

書九

疆理書第三

齊地總說

太公望佐文武定天下以功封於營丘號曰齊蓋古青州地也禹貢海岱惟青州嶠夷既略維淄其道厥土白墳海濱廣斥萊夷作牧浮于汶達于濟舜分青州為營

州周以徐州合青州其土益大周禮職方正東曰青州
在天文玄枵之次女虛危之分辰居子宮曰寶瓶其封
域東至于海西至于河南至于穆陵北至于無棣阻渤
澥之險憑河濟之固後據千乘前倚充濮擅利魚鹽形
勢十二故太公用之而富桓公資之以霸自桓公後雖
不復霸矣然憑藉地利猶得以雄彊於諸侯太公治齊
修道術尊賢智賞有功至於今其土多好經術矜功名
舒緩闊達而足智其失則夸奢朋黨季札觀風聞齊音

曰決決乎大風也哉表東海者其太公乎杜佑曰青州
人情變詐皆因管仲輕重而為弊

齊地指掌之圖



王以益之

渠立

棘

夫子山

盧邑

隱三年
盟于盧

石門
濟南臨

濟水

譚府

濟南

華不注

樂水

靡井山

石節

部山

廣里

平陰

東車府

留舒

大野澤

濟水自廩丘分合
河水為大野澤王莽
末合河同流入海

泗水

齊臨
原山

葵立

申池

贏萊

汶水

平州

防門

汶水

濟水合分河水

無棣

僖四年傳北至
于無棣即此

野井

祝柯
禹城

周首

柯東

穀

襄十年

盧闔盧

良壽

張

廩丘

西曹地

東魯地

齊地

滄州

重丘

安德府

高唐

聊攝

博州

陽穀

清

黃河

淇水口

西接晉

齊地釋名

齊

隱三年
下同

少昊之世有爽鳩氏虞夏時有季荊湯末有逢公伯
陵殷末有蒲姑氏與四國作亂成王滅之以封大公
國於臨淄廣記云南郊山下有天齊淵齊之爲齊義
本此

石門

釋例濟北盧縣故城西南濟水以石為門京相璠曰

盧縣故城西南六十里有故石門去水三百步盧縣
今濟南府長清縣是也廣記則以二地為在臨邑縣
按臨邑居濟南之北長清居濟南之西南長清之西
即臨邑之南二邑相近宜盧與石門在二邑間也盧
縣雖以春秋盧地得名然曰故城則春秋之盧其故
城在晉盧縣境而密近於臨邑矣

濟南
齊州

盧

釋例濟北盧縣故城今長清縣

父六
年

釋例泰山牟縣東南有父山又琅邪臨沂縣東父亭
疑按廣記襲慶府奉符縣地有漢牟縣而九域志父
山則屬沂州境注云春秋公會齊侯盟于父考之輿
圖沂屬邑沂水新泰俱在奉符東南則父山當在沂
州境矣

嬴桓三
年

漢晉爲嬴縣後廢入襲慶府萊蕪縣

穀莊七年

此年夫人姜氏會齊侯于穀昭十一年傳曰齊桓公

城穀而寘管仲于今賴馬廣記曰城中有管仲井即

同會穀之地後漢置穀城縣後廢入東阿今東平府

東阿縣東故城在焉有穀城山

或以城小穀為同此誤也詳見內魯

葵丘八年下同

廣記青州臨淄縣有葵丘

貝丘

釋例樂安博昌縣南地名貝丘今青州壽光縣地也
又恩州治清河縣有漢貝丘地應劭曰齊侯田于貝
丘即此然考之輿地齊都臨淄壽光於臨淄為東而
貝丘則在壽光南地之相近襄公田游于斯恩州距
博州西北博蓋古聊攝之地傳謂聊攝以東言齊地
西至聊攝謂恩州為貝丘則是在聊攝外矣襄公雖
至游荒豈有自臨淄遠至於聊攝之外邪按廣記恩
州在春秋時屬齊後屬晉又水經注亦以應注事近

踈博昌即司馬彪郡國志所謂貝中聚者然則貝丘
當在壽光非恩州貝丘明矣

乾時

九年
下同

釋例時水在樂安界岐流旱即竭涸故曰乾時今青
州千乘縣有樂安城

堂阜

東莞蒙陰縣西北有夷吾亭或曰鮑叔解夷吾縛於
此因以為名今沂州新泰縣有蒙陰故城在東南堂

阜在東去州西北二百一十里

柯

年十三

東平府東阿縣廣記云本齊柯邑

今有阿井
嘗膠以貢

陽穀

年僖三

東平府陽穀縣

穆陵

年四
下同

沂州沂水縣穆山齊之南境在州北一百八十里

無棣

滄州無棣縣南以無棣河為名州南百七十里

鄆

二十六年

釋例濟北穀城縣西北有地名鄆下今東阿縣地有

穀城縣

周首

文十一年

釋例濟北穀城縣東北有周首亭京相璠曰濟北所

治盧子城故齊周首邑也今東阿縣

平州

宣元年